

DESTAVELL 5mg Film-Coated Tablet

Desloratadine 5mg

Apakah yang ada pada risalah ini

1. Apakah kegunaan *DESTAVELL*
2. Bagaimana *DESTAVELL* berfungsi
3. Sebelum menggunakan *DESTAVELL*
4. Cara menggunakan *DESTAVELL*
5. Semasa menggunakan *DESTAVELL*
6. Kesan-kesan sampingan
7. Cara penyimpanan dan pelupusan *DESTAVELL*
8. Deskripsi Produk
9. Pengilang dan Pemegang Pendaftaran Produk
10. Tarikh kemaskini RiMUP

Apakah kegunaan *DESTAVELL*

DESTAVELL melegakan simptom rinitis alergi (radang laluan udara dalam hidung yang disebabkan oleh alergi [alahan] seperti demam alergi atau alergi terhadap tungau habuk). Antara symptom ini ialah bersin, hidung berhingus atau terasa gatal, lelangit mulut terasa gatal dan mata yang gatal, kemerahan atau berair.

DESTAVELL juga digunakan untuk melegakan symptom urtikaria (masalah kulit yang disebabkan oleh alergi). Antara simptomnya ialah gatal-gatal dan gegata.

Bagaimana *DESTAVELL* berfungsi

DESTAVELL ialah sejenis ubat anti-alergi yang tidak membuatkan anda mengantuk. Ubat ini dapat mengawal tindak balas alergi dan simptomnya.

Sebelum menggunakan *DESTAVELL*

- Bila tidak boleh menggunakan

Jangan ambil *DESTAVELL* jika anda alah (hipersensitif) terhadap *desloratadine*, terhadap mana-mana bahan lain di dalam *DESTAVELL* atau terhadap *loratadine*.

- Sebelum mula menggunakan *DESTAVELL*

Bincanglah dengan doktor atau ahli farmasi sebelum menggunakan *DESTAVELL* jika anda atau keluarga pernah mengalami sawan.

Penggunaan *DESTAVELL* dari segi efikasi dan keselamatan di kalangan kanak-kanak

yang berumur tidak lebih daripada 12 tahun belum dibuktikan.

Kehamilan dan menyusukan anak dengan susu badan

- Mintalah nasihat doktor atau ahli farmasi sebelum mengambil apa-apa ubat semasa anda hamil dan semasa anda sedang menyusukan anak dengan susu badan.
- Jika anda hamil atau sedang menyusukan anak dengan susu badan, *DESTAVELL* tidak disyorkan.

Maklumat penting tentang bahan kandungan di dalam *DESTAVELL*

DESTAVELL mengandungi laktosa. Jika doktor memberitahu anda bahawa anda tidak dapat menahan sesetengah jenis gula, hubungilah doktor sebelum anda mula menggunakan produk perubatan ini.

- Jika mengambil ubat-ubat lain

Tidak ada saling tindak balas yang diketahui berlaku antara *DESTAVELL* dengan ubat-ubat lain.

Beritahu doktor atau ahli farmasi jika anda sedang, baru-baru ini telah menggunakan ubat lain atau akan menggunakan ubat lain.

Mengambil *DESTAVELL* beserta makanan dan minuman

DESTAVELL boleh dimakan sebelum ataupun selepas makan.

Cara menggunakan *DESTAVELL*

- Berapa banyak harus digunakan

Orang dewasa dan remaja (12 tahun ke atas): makan satu tablet sekali sehari.

- Bila perlu digunakan

Telan tablet bulat-bulat dengan air, sebelum ataupun selepas makan.

- Berapa lama perlu digunakan

Doktor akan menentukan jenis rinitis alergi yang anda hidapi dan akan menentukan tempoh anda harus menggunakan *DESTAVELL*.

Jika rinitis alergi anda itu jenis bermusim (mengalami simptom kurang daripada 4 hari seminggu ataupun kurang daripada 4 minggu keseluruhannya), doktor akan mengesyorkan jadual rawatan yang bergantung pada penilaian sejarah penyakit anda.

Jika rinitis alergi anda itu jenis berlarutan (mengalami simptom melebihi 4 hari seminggu dan melebihi 4 minggu keseluruhannya), doktor mungkin mengesyorkan tempoh rawatan yang lebih panjang.

Bagi urtikaria, tempoh rawatan mungkin berbeza bagi setiap pesakit dan oleh itu, anda harus mengikut arahan doktor.

- Jika terlupa menggunakan

Jika anda terlupa memakan ubat ini pada waktu yang sepatutnya, ambil secepat mungkin, kemudian teruskan dengan jadual waktu dos anda yang biasa. Jangan gandakan dos untuk menggantikan dos yang terlupa digunakan itu.

- Jika mengguna berlebihan (terlebih dos)

Makan *DESTAVELL* tepat-tepat seperti yang diarahkan. Walau bagaimanapun, jika anda termakan lebih banyak *DESTAVELL* daripada yang diarahkan, hubungilah doktor atau ahli farmasi.

Hubungi doktor anda dengan segera atau pergi ke Jabatan Kecemasan hospital terdekat, jika terambil dos berlebihan. Ini perlu dilakukan walaupun tiada sebarang kesan kearacunan atau rasa tidak selesa. Anda mungkin memerlukan perhatian perubatan segera.

Semasa menggunakan *DESTAVELL*

- Perkara yang perlu dilakukan

- Ambil ubat anda mengikut arahan doktor.
- Beritahu doktor anda dengan segera jika anda menjadi hamil semasa menggunakan ubat ini.

DESTAVELL 5mg Film-Coated Tablet

Desloratadine 5mg

- Perkara yang tidak boleh dilakukan

- Jangan berhenti menggunakan ubat ini kecuali diarahkan oleh doktor anda.
- Jangan mula mengambil sebarang ubat baru tanpa berbincang dengan doktor atau ahli farmasi anda.
- Jangan berkongsi DESTAVELL dengan sesiapa, walaupun mereka mempunyai simptom atau penyakit yang sama.

- Perkara yang perlu diberi perhatian

Memandu dan mengendalikan jentera

Pada dos yang disyorkan, DESTAVELL tidak dijangka akan membuatkan anda mengantuk atau kurang berwaspada. Walau bagaimanapun, sesetengah orang berasa mengantuk dan ini boleh menjejaskan kemampuan mereka memandu atau mengendalikan jentera. Namun begitu, ini jarang-jarang sekali berlaku.

Kesan-kesan sampingan

Sama seperti semua ubat lain, DESTAVELL boleh menyebabkan kesan sampingan, walaupun tidaklah semua orang akan mengalaminya. Bagi orang dewasa, kesan sampingannya lebih kurang sama dengan kesan sampingan tablet kosong. Walau bagaimanapun, rasa lesu, mulut kering dan sakit kepala lebih kerap dilaporkan berlaku berbanding dengan tablet kosong.

Semasa memasarkan DESTAVELL, kes tindak balas alergi yang teruk (sesak nafas, nafas berdehit, gatal-gatal, gegata dan bengkak) dan ruam pernah berlaku tetapi sangat jarang dilaporkan. Palpitasi (debaran jantung yang cepat dan tidak teratur), degupan jantung yang cepat, mengantuk, radang hati, hasil ujian fungsi hati yang tidak normal dan selera makan bertambah juga pernah tetapi sangat jarang dilaporkan.

Jika mana-mana kesan sampingan menjadi serius, atau jika anda perhatikan kesan sampingan yang tidak tersenarai di dalam risalah ini, beritahulah doktor atau ahli farmasi.

Anda boleh melaporkan sebarang kesan sampingan atau kesan advers ubat kepada

Pusat Pemantauan Kesan Advers Ubat Kebangsaan melalui laman web

npra.gov.my [*Consumers* → *Reporting Side Effects to Medicines (ConSERF) or Vaccines (AEFI)*].

Cara penyimpanan dan pelupusan DESTAVELL

- Penyimpanan

- Jauhkan dari capaiam dan pandangan kanak-kanak.
- Jangan simpan pada suhu melebihi 30°C. Simpan di dalam bungkusan yang asal. Lindungi DESTAVELL daripada lembapan yang berlebihan.
- Jangan makan DESTAVELL selepas tarikh tamat tempoh yang tertera pada karton dan strip.
- Maklumkan kepada ahli farmasi jika anda mendapati ada perubahan pada rupa tablet ini.

- Pelupusan

Jangan buang ubat ini bersama-sama air sisa atau sampah dari rumah. Tanyalah ahli farmasi tentang cara membuang ubat yang tidak diperlukan lagi. Langkah-langkah begini akan membantu alam sekitar.

Maklumat lanjut

- Rupa dan warna produk

Biru, tablet bulat bersalut filem, kosong pada satu sisi dan mempunyai garisan pecahan pada sisi yang lain (berukuran diameter 6.0 – 6.2 mm).

- Bahan-bahan kandungan

- Bahan aktif
Desloratadine

- Bahan tidak aktif
Calcium hydrogen phosphate dihydrate, microcrystalline cellulose PH 102, pregelatinized starch, talc, hypromellose, lactose monohydrate, macrogols 6000, titanium dioxide, FD&C Blue No.2 Al-lake (C.I 73015), purified water

- Packing

Box, 3 strips @ 10 film-coated tablets

- Nombor MAL

MAL22086029AZ

Pengilang



PT Novell Pharmaceutical Laboratories
Jl. Wanaherang No. 35, Tlajung Udik,
Gunung Putri, Bogor 16962 – Indonesia

Pemegang Pendaftaran Produk

MEDHUB PHARMA BERHAD
PS-G-2, Pelangi Damansara
Sentral, Persiaran Surian, 47800
Petaling Jaya, Selangor, Malaysia

Tarikh kemaskini RiMUP

03/05/2024

Nombor Siri

NPRA(R2/1)240423/1257